

ԱՇՈՏ ՀՈՎՀԱՆՆԻՍՅԱՆ

(Ծննդյան 80-ամյակի առթիվ)

Բոլորեց հայ մեծանուն գիտնական, հասարակական ու քաղաքական գործիչ, ակադեմիկոս Աշոտ Հովհաննիսյանի ծննդյան ութսուն տարին: Ավելի քան վաթսուն տարի է, որ նա անխոնջ գործում է մեր հասարակական և մշակութային կյանքի անդաստանում, նվիրաբերելով իր գիտելիքների և էներգիայի անըսպառ պաշարը իրեն ծնունդ տված ժողովրդին: Տարիների բազմությունը չի թուլացրել նրա եռանդը, չի բթացրել գրիչը, չի կրել նրա ուտերը, թեև նրա կյանքի տարիները համրակել են աշխարհացունց իրադարձությունների, մեր ժողովրդի կյանքի բախտորոշ երեվույթների հետ, իսկ նա հեռվից ձեռնածուլ չի դիտել այդ ամենը, այլ միշտ գտնվել է դեպքերի հորձանուտում, պայքարի առաջավոր բնադծում:

Աշոտ Հովհաննիսյանը ծնվել է 1887 թ. հունիսի 17-ին Լեռնային Ղարաբաղի Շուշի քաղաքում: Թերևս Ղարաբաղի, հայ ազատագրական շարժումների այդ երբեմնի բնօրրանի լեռնային ըմբոստ ընտանիքում, որի գրկում անցան ապագա գիտնականի և քաղաքական գործչի մանկությունն ու պատանեկությունը, կանխորոշեց նրա նախասիրությունները, այն է՝ հայ ժողովրդի ազատագրական շարժումը և պայքարը հանուն մարդկության և մայր ժողովրդի ազատագրության՝ սոցիալական շահագործման ճիրաններից: Ավարտելով Շուշիի ուսուցչական դպրոցը, 1906 թ. ուսումնածառավ երիտասարդը մեկնում է Գերմանիա, ուր իրեն նվիրում է պատմության ու փիլիսոփայության ուսումնասիրությանը: Ուսումնառության տարիների արգասիքը հանդիսացավ 1913 թ. դերմաներեն լեզվով Սյունիսենում լույս տեսած նրա «Բարայել Օրին և հայ ազատագրական գաղափարը» գոկտորական դիսերտացիան, որը ոչ միայն իշխանավորեց հայ մարքսիստական պատմագրության հիմնադիրներից մեկի մուտքը գիտության ասպարեզ, այլև գիտական հարցերի այն հիմնական առանցքը, որով ընթանալու էր Աշոտ Հովհաննիսյանի ստեղծագործական կյանքի հիմնական ուղին:

Վերադառնալով հայրենիք, նա մեկ տարի դասավանդում է Շուշիի հոգևոր սեմինարիայում, որից հետո ուսուցչական գործունեության է անցնում ժամանակի մեր լավագույն ուսումնական հաստատություններից մեկում՝ Գևորգյան ճեմարանում: Այստեղ նա ավանդում է ընդհանուր պատմություն, քաղաքա-



տնտեսություն, գնրմաներեն և լատիներեն: Դեռևս 1906 թ. նա ընդունվել է Ռուսաստանի սոցիալ-դեմոկրատական բանվորական կուսակցության շարքեր: Որպես ՌՍԴԲԿ-ի անդամ, նա ընդհատակյա հեղափոխական աշխատանք է տանում ձևավորման ուսանողության շարքերում, նախապատրաստում նրանցից շատերին ապագա քաղաքական գոտեմարտերի համար:

1917 թ. ողջ Ռուսաստանով մեկ բռնկեց հեղափոխական պայքարի բոցը: Հեղափոխության առաջին տարիներին մենք նրան տեսնում ենք Բաքվում, ուր գործուն մասնակցություն է բերում փառապանծ կոմունային: Հակահեղափոխության ժամանակավոր հաղթանակից հետո նրան հաջողվում է անցնել Մոսկվա, որտեղ կրկին եռանդուն գործունեություն է ծավալում ժողովրդական լուսավորության և ազգությունների գործերի կոմիսարիատներում, դասախոսում է Լազարյան ձևավորման, գործում դիվանագիտության ասպարեզում: Մեծ է Աշոտ Հովհաննիսյանի ծառայությունը Հայաստանում սովետական կարգեր հաստատելու գործում:

Հայաստանի ազատագրումից հետո Աշոտ Հովհաննիսյանը վարել է մի շարք ղեկավար պաշտոններ: Նա եղել է լուսավորության ժողովրդական կոմիսար, 1921—1927 թթ. Հայաստանի կոմունիստական կուսակցության Կենտկոմի գլխավոր քարտուղար: 1928 թ. նա տեղափոխվում է Մոսկվա, որտեղ աշխատում է Մարքսի-էնգելսի ինստիտուտում, ապա նյութական կուլտուրայի պատմության պետական տեղեկության Մոսկվայի բաժանմունքում որպես դիրեկտոր, ՍՍՀՄ ազգությունների ինստիտուտում որպես պրոֆեսոր: Բոլոր այդ տարիներին, չնայած հասարակական-քաղաքական աշխատանքներով ծանրաբեռնված լինելուն, նա մնացել է գրչի անխոնջ մշակ, ստեղծել է գործեր, որոնք պատվավոր տեղ են գրավում վաստակավոր գիտնականի գրական ժառանգության մեջ:

1954 թ. նա կրկին երևանում է, ուր ՀՍՍՀ գիտությունների ակադեմիայի պատմության ինստիտուտում շարունակում է իր բեղմնավոր գործունեությունը: Դրա արդյունքը հանդիսացավ 1960 թ. նրա ընտրվելը Հայաստանի գիտությունների ակադեմիայի ակադեմիկոս, որպես ընդունումն նրա անժխտելի վաստակի՝ հայրենի պատմագրության մեջ: Նա այժմ գլխավորում է պատմության ինստիտուտի հայ ժողովրդի նոր պատմության սեկտորը, դասախոսում երիտասարդ գիտնականների մի ամբողջ սերունդ, օժանդակում նրանց գիտական աճին, բաժանում նրանց հետ իր խոհերն ու մտքերը, կոփում նրանց մեջ ապագա պատմաբանին և շարունակում է ստեղծագործել:

Չափազանց ընդգրկուն է Աշոտ Հովհաննիսյանի գիտական հետաքրքրությունների շրջանակը, բազմաթիվ են նրան հրապուրող հարցերը, որոնց նվիրել է 70-ից ավելի ուսումնասիրություններ: Հայ ժողովրդի պատմության վաղ միջնադարից մինչև մեր օրերը հասնող ժամանակաշրջանի բազմաթիվ առանցքային հարցեր են իրենց վրա գրավել նրա սննդուն ուշադրությունը: Բայց այդ ամենի մեջ վեր են խոյացել հայ ազատագրական մտքի և ազատագրական շարժումների պատմությանը նվիրված հետազոտություններ՝ վերաբերվելիս լինեն դրանք միջնադարին, թե նոր ժամանակաշրջանին: Նվ դա պատահական չէ, որովհետև մեր ժողովրդի պատմական հակամարտի մեջ անժխտելիորեն տիրապետող դիրք է գրավել օտարերկրյա լծից ազատագրվելու, սեփական պետականությունը վերականգնելու անզուսպ տենչանքը, որին նա պետք է հասներ դա-

րավոր պայքարի գոտեմարտերում, հասնելով միաժամանակ և իր սոցիալական ազատագրման:

Ձեռնամուխ լինելով այդ շնորհակալ գործին, Աշոտ Հովհաննիսյանը տարիների քրտնաջան աշխատանք է կատարում՝ ուսումնասիրում է հնադարյան ձեռագիր մատյանները, արխիվային դարակներում պահպանվող վավերագրերը, բաղմաթիվ լեզուներով հրապարակված գրականությունը և մեկը մյուսի հետևից սեղանի վրա դնում իր ժողովրդի դարավոր ազատագրական պայքարը լուսաբանող մեծարժեք ուսումնասիրություններ. «Իսրայել Սրին և հայ ազատագրական գաղափարը» (Սյունիսեն, 1913 թ.), «Հայ-ռուս օրինատացիայի հարցի շուրջ» (էջմիածին, 1921 թ.), «Դրվագներ հայ ազատագրական մտքի պատմության» երկհատորը (Երևան, 1957—59 թթ.), «Հայ-ռուսական հարաբերությունները 18-րդ դարի առաջին երեսնամյակում» փաստաթղթերի ժողովածուն վերլուծող պատմական ընդարձակ ներածությունը (Երևան, 1964 թ.) և բաղմաթիվ հոդվածներ:

Այդ աշխատություններում բազմալուսատեղ պատմաբանը գիտնականի անկաշառ բարեխղճությամբ նշում է այն դարտուղի արահետները, որով ընթացել է հայ ազատագրական միտքը, վերլուծում պատմական դարդացման բարդ հունգույցներում խճճված հայ ժողովրդի ազատագրական ոգորումները, նախքան նա իր հայացքը կհառնե՝ դեպի Ռուսաստան, նոր շունչ կհաղորդեր իր մտորումների ծնունդ հանդիսացող ազատագրական լեզենդին, կգտներ այն միակ ուղին, որը ընդունակ կլիներ նրան տանել դեպի «սովետայոց երկիրը», այսինքն՝ դեպի իրական ազատագրություն:

Աշոտ Հովհաննիսյանի գիտական ստեղծագործության մեջ առանձնակի տեղ են զբաղում հայ հեղափոխական-դեմոկրատական ուղղության ռահվիրա Միքայել Նալբանդյանի կյանքի և գործունեության ուսումնասիրությանը նվիրված հետազոտությունները: 1935 թ. Մոսկվայում Միքայել Նալբանդյանի «Անտիպ երկերի» հրատարակությամբ նա ձեռնամուխ եղավ հայ իրականության այդ եղանկի գործիչներից մեկի փոթորկաշունչ կյանքի ու գործունեության վերլուծմանը, որը ավարտվեց 1955—56 թթ. երկու հատորից կազմված մոնումենտալ աշխատության հրատարակությամբ: Այստեղ նա լուծեց բազմապիսի բարդ հարցեր, որոնք վճռական նշանակություն ունեն հայ ժողովրդի պատմական հետագա դարգացման առաջընթացը ըմբռնելու տեսանկյունից, ցույց տվեց այն ուղին, որով հայ ժողովրդի պայքարը, դուրս գալով ազգային համեմատաբար նեղ շրջանակից, պետք է լծորգվեր համամարդկային իդեալներին:

Լինելով նաև պայքարի մարդ, Աշոտ Հովհաննիսյանը չէր կարող խուսափել ժամանակի պարկերակում արժույթի հարցերի բնությունից: Հեղափոխության առաջին տարիներին նա պայքարի դրոշ է բարձրացնում մեր գաղափարական հակառակորդների դեմ, ցույց է տալիս նրանց քաղաքական սնունդությունը, ինչպես և այն համարիտ իդեալը, հանուն որի պետք է մարտնչել:

Ստեղծագործական անխոնջ գործունեությունը եղել և մնում է Աշոտ Հովհաննիսյանի գործունեության ալֆան և մեգան: Եվ հիմա էլ, երբ նրա կյանքը թևակոխում է իններորդ տասնամյակը և չնայած բաղմաթիվ պարտականություններով ծանրաբեռնված լինելուն, նա շարունակում է անդուլ եռանդով ստեղծագործել: Այժմ էլ, ինչպես և տարիներ առաջ, նա ազդեցնում է իր անօրինակ աշխատասիրությամբ, մտքի թարմությամբ և հիասքանչ հիշողությամբ, որոնք սակզմագործական գործունեության նախապայմանն են: Նոր

պատմության սեկտորի աշխատողները ղեկավարելուն համատեղ նա հանդիսանում է նաև «Հայ ժողովրդի պատմություն» բազմահատոր աշխատության գլխավոր խմբագիրը, պատրաստում է մի շարք տպվիրատուներ, գործուն մասնակցություն ունենում բազմաթիվ աշխատությունների քննարկմանը, խմբագրում է գրանք և պատրաստում հրատարակության, միաժամանակ ստեղծելով նորանոր պատմական երկեր:

Աշոտ Հովհաննիսյանի կյանքը զիառությունը նվիրաբերելու փուլուն օրինակ է, որը պետք է ոգեշնչի մեր երիտասարդ գիտնականներին:

Ի սրտե ցանկանում ենք նրան երկար ստրինների առողջ կյանք և ստեղծագործական նոր հաջողություններ: